

Psallus (?) breviceps n. sp.

Fusco- vel fuliginoso-testaceus, superne longius flavo-pubescent, pilis faciliter divellendis; antennis, tibiis tarsisque lurido-testaceis, tibiis punctis obscurioribus totis destitutis, spinulis concoloribus pallidis instructis; hemielytris basin versus pallidioribus, cuneo arcu basali albido notato, membrana sat dilute fumata, venis pallidis, macula parva hyalina inter areolam minorem et apicem cunei; capite (σ) basi pronoti fere dimidio angustiore, ab antico viso latitudine cum oculis fere dimidio brevior, infra oculos breviter prominente, vertice oculo parum vel paullulum latiore; antennis articulo secundo (σ) margini basali pronoti longitudine subaequali, tertio secundo fere dimidio brevior, quarto tertio circiter $\frac{2}{5}$ brevior. σ . Long. $3\frac{1}{3}$, lat. $1\frac{1}{4}$ mm.

Texas, 2 exx., D. BOLL (Mus. Vindob.).

*Ps. cuneali*¹ UHL. in litt. (e Washington, DC. etc.) colore sat similis, sed paullo major et obscurior, capite (maris) fortiter transverso, brevi, antennis totis lurido-testaceis (nec articulo primo fusco), femoribus fuscis (nec pallidis tseriatimque fusco-punctatis), tibiis punctis destitutis spinulisque concoloribus pallidis instructis distinctus. Corpus oblongum, sat nitidum, superne pilis facile divellendis sat longis flavi pubescens. Caput (σ) basi pronoti fere dimidio angustius, subverticale, ab antico visum breve et fortiter transversum, infra oculos breviter productum, vertice immarginato; a latere visum altitudine basali circiter $\frac{1}{3}$ brevius, fronte fortiter declivi, clypeo sat prominente, leviter arcuato, basi mox infra medium altitudinis capitis a latere visi posita, angulo faciali recto, genis et gula haud distingvendis. Oculi maris magni, granulati, totam altitudinem laterum capitis occupantes, orbita interiore usque ad medium recti et paralleli, dein sinuati. Rostrum coxas intermedias attingens. Antennae maris paullo supra apicem oculorum interne in sinu insertae, articulo primo apicem clypei vix superante, secundo sat longo, maris crassiusculo, apicem versus sensim crassiore, apice primo aequae crasso, ultimis simul sumtis secundo brevioribus. Pronotum transversum, trapeziforme, latitudine basali dimidio brevius, apice longitudine paullulum latius, lateribus rectis, disco versus apicem leviter declivi, callis sub discretis. Scutellum pronoto parum brevius, basi detecta. Hemielytra explicata, abdomen superantia, membrana biareolata. Areola alarum hamo sat valido a vena sustensa emisso, origini venae decurrentis valde appropinquato. Xyphus prosterni convexus. Orificia metastethii angusta, obliqua. Femora postica sat incrassata, fusca. Tibiae spinulis concoloribus pallidis instructae. Tarsi tibiis saltem $\frac{2}{3}$ breviores, articulis duobus primis margine inferiore aequae longis, tertio secundo longiore et duobus primis simul sumtis paullo brevior, ungviculis breviusculis, a medio modice curvatis, aroliis angustis, cum ungviculis connexis, medium eorum haud superantibus. Segmentum maris genitale medio longitrorsum subcarinato-compressum.

Atractotomus hesperius n. sp.

Ovalis, crassiusculus, niger, sat nitidus, superne breviter dense subadpressim nigropilosus, ubique pilis squamiformibus faciliter divellendis albidis dense vestitus, rostro, antennis pedibusque totis nigris; rostro basin coxarum posticarum attingente; antennis articulo secundo latitudini capitis (cum oculis) aequae longo, fortiter incrassato, aequaliter fusiformi, breviter tenuiter nigro-pubescente, medio articulo primo fere duplo crassiore, crassitie sua maxima circiter triplo longiore, articulis duobus ultimis nigricantibus, secundo circiter $\frac{1}{3}$ brevioribus, quarto tertio paullo brevior; capite (σ) basi pronoti circiter $\frac{1}{4}$ angustiore, ab antico viso

¹ Nomen jam praeoccupatum.